

幼
科
法
戒
錄

庚午重陽

幼科瀟戒錄

永寧鍾明理題

幼科法戒錄序

昔張仲景傷族人之死亡誤於庸醫於是發憤著書後世宗之稱爲醫聖協於時中誠以醫學之難言也幼科尤難而全書未立專方經緯萬端治法未嘗標奇神明一心唐宋以來心法失傳支流百出晉太醫令王叔和所編次傷寒金匱諸篇足以翊衛萬世而宋景濂輩謂非仲聖全文謬說一起人或疑之棄而不用或謂宜古不宜於今覆瓿燒薪可勝歎惜雖徐靈胎柯韻伯陳修園諸賢大聲疾呼而舉世不察亦過矣劉張朱李號稱名手猶不免各執一偏等而下之曲學爭鳴各分門戶特立兒科多以風火熱積爲總綱清散消導爲能事剝陰伐陽斲喪元氣變證百端至死不悟爲父母者似亦喜聞其兒之爲風火爲食積於

是視薑桂爲仇讎等辛溫於刀斧而殺人者日以多矣前清光緒末葉余以髫年侍家君遊成都得識劉三俊先生多聞妙論而後知寒涼之藥足以殺人課誦之餘披閱傷寒金匱諸書益信劉君之學有自來初余兩姪亦誤於藥得劉君指授兒病治法悉在六經自此按法診治諸兒女則向日之所謂風者驚者無聞矣久欲編印成書公諸當世苦無暇日客秋來京師得晤姚公博施侍教之餘談及時方爲害小兒之劇姚公搜集古方付印救世多年積愆得此良機於是甘冒續貂之譏將昔日所聞者述附篇末乃甫經出版家兄手教適來謂劉君著幼科法戒錄一書同人勸以付梓以醫彼醫無知赤子者指出迷途示以法則本仲聖之學正諸家之誤名爲法戒豈虛語哉云云并囑序其端嗟乎

劉君救世之心切矣。翊聖之功偉矣。豈能已於不言。望爲父母者。家置一篇。洞悉真情。破除積習。不爲庸俗所誤。子孫蕃衍。自在意中。更願世之業醫者。勿執己見。從善如流。實造無量無邊功德。夫傷寒金匱諸方。苟能循道以求。即可統治百病。包羅萬有。無古無今。皆可爲法。劉君是篇所論。直抉真傳。非同臆說。余客京門。相距萬里。遙爲契合。此中信非偶然。故不計文辭。走筆爲序。亦本劉君濟世之心。以光揚仲聖之旨云爾。

中元戊辰歲季春月後學鍾明理拜序於北京同德堂施醫處

自序

幼科自古無專方僕遊徧西蜀常見市廛小兒專科究其根柢大都於痘科得其數方如吹點痘苗或丸或散皆表裏攻毒而已故遇順則生遇逆則死卽有稍識之無者亦不過於幼科集成幼科鐵鏡保元捷徑指南針東醫寶鏡熟讀數方遂榜於門曰小兒專科偶獲微效遂致盲從後便父傳子師傳弟以盲引盲誤人不尠然彼輩虛實不知寒熱莫辨竟公然應世爲害嬰兒可勝浩歎至若有人求治開口不曰風卽曰食不曰疳卽曰驚又曰熱曰火所用之藥大抵以勾藤勾秦芫防風羌活獨活銀花天麻前胡全蠍殭蟲爲祛風之品或硃砂牛黃膽南星建菖蒲天竺黃代赭石青黛赤芍金銀煎湯爲定驚之品以神麴麥芽穀

芽山查肉萊菔子枳實厚朴根檳榔草果仁爲消食之品以蕪荑雷丸
藿亂樗子使君螟蛉土五穀蟲苦楝皮爲治疳之品以杏仁葶藶酒苓
桑白皮半夏麴蘇子陳皮貝母天花粉之類爲通用調氣化痰之善藥
以石膏滑石白芍知母花粉大黃黃芩梔子黃柏甘草荊芥薄荷犀角
羚羊角連翹心苦竹心爲退熱下火之良藥或以幼科鐵鏡之第一方
卽天保採薇湯或成丸爲小兒之通劑又有貪利之輩專用黑白丑各
半爲末或丸爲祖傳之珍品牛黃丸抱龍丸爲先世祕法而不知藥不
對證希圖於中取利何啻殺人毒手又常有用龍膽草天麻酒軍玄明
粉石膏滑石厚朴枳實杏仁僵蟲芥穗連翹生地銀花粉丹知母蘇子
杭菊防風薑黃梔子全歸枯苓桔梗天冬麥冬粉葛蟲退等類或合爲

一方或分二三方掉頭換尾諸病皆然又有診小兒之病開口只言風火熱並不言寒一味下火祛風退熱重用石膏知母澤瀉車前仁殭蟲滑石等以下之服之不下不知方中下滯并用傷及大腸津液已成將下難下之勢反執言實是風火熱宜急重用硝黃嗚呼固執若此是誠何心及服到死時而燒熱仍然未退病家亦以似此燒熱不退是殆有命並不歸罪於醫無怪毫不知醫之輩竟敢懸壺於市也僕幼讀醫書多得名師指授於幼科尤有心得常見無知小兒每誤於庸醫之手怒焉傷之曾於前清光緒丙午年在川西彭邑關口場組織幼科講習所採輯古書之可法可戒編爲講錄以課多士頗蒙都人士稱其可與福幼編并行不悖而詳贍過之今復積廿有餘稔之經驗日記逐條詳加

攷核自信對於幼科不無裨益序次成冊署其名曰幼科法戒錄同人
見之咸謂不但可爲執方者當頭棒喝若家置一編庶小兒有疾不致
爲庸醫所誤亟應付印以公諸世而惠羣嬰僕遜謝不獲幸高明正
之識者諒之

中華民國十六年孟秋月青城山劉恕三俊氏自序於四川敘永縣東
城寓次

幼科法戒錄目錄

頁數

論抽風不是風

一

小兒初生時

二

小兒初生一二日閒

二

小兒初生三朝

三

小兒乃稚陽之體

三

小兒傷寒之初

三

小兒病傷寒

四

小兒三陰證

四

小兒吐瀉手足厥冷煩燥欲死

四

小兒病三陰熱化之證

五

小兒少陰之咳而嘔渴

五

小兒病厥陰之消渴

五

小兒之傷寒三陽獨取太陽三陰獨取太陰

五

小兒傷寒病咳嗽出冷汗

五

小兒久咳成肺痿

五

小兒三四歲喘促咳逆

五

痘證疹證

五

小兒疹證初起

七

小兒癰疹

七

小兒痘癰後失調

小兒初生徧身皮膚雙目均黃

小兒水氣腫

小兒患白口瘡

小兒常流口水

小兒脫肛

小兒初生牙齦上生馬牙

小兒小便溺時黃色見冷變白色

小兒大便五色

小兒初生一二日偶然聲音變

八 八 八 八 八 八 九 九 九 九

小兒羸瘦腹大筋青

小兒疳病

小兒夜啼

小兒耳下腫痛

小兒龜胸龜背五心潮熱

小兒耳心潰爛

小兒頭面生胞瘡

小兒眼目患疳病

小兒目眶眉毛生癬瘡

小兒目生眵

十一十一十一十一十一十十十九

本編方劑

十一至十九

幼科法戒錄

論抽風不是風

小兒之病一見太陽癰證世俗謂之抽風依照治風之方治之鮮有效者非今人錯治乃古人方書誤人古人不止論病立方誤人立病名曰抽風風之一字尤其誤人蓋因此證多半由傷寒初入太陽一經筋脈牽動或痘疹吐瀉等證病久而抽則名曰慢驚風慢驚風三字相連立名更爲可笑不但文義不通亦未細察病源若真是風風之中人必卒倒在地昏沈不醒人事口角流涎噤邪方可謂之爲風小兒既無此證何以後世著書立方總言是風其所言風者因見其病發作之時項背反張兩目天吊

上視謂之天吊

口噤不開口流涎沫喉作痰聲昏沈不省人事

以爲中風無疑殊不知項背反張四肢抽搐手足握固乃氣虛不固肢體也兩目天吊口噤不開乃氣虛不上升也口流涎沫乃氣不固津液也咽喉往來痰聲非痰也乃氣不歸原也如不明此理試看年老人久病將壽終之時或項强身重或露睛天吊或牙緊流涎或聲如拽鋸或冷汗淋漓明明顯露一派氣虛將脫之證以小兒之兩目天吊口噤流涎痰聲拽鋸互相參看則知抽風之證其爲氣虛無可疑矣元氣既虛必不能達於血管血管無氣必停留凝窒夫以一氣虛血凝之證反用散風清火之方鑄九洲之鐵無此大錯矣蓋服散風藥無風則散氣服清火藥無火則血凝再服攻伐消導之方氣散血亡豈能望生溯流窮源非死於醫乃死於著書立方之手每見業小兒科閱歷多者絕不誤

人因用抽風古方不效遇小兒發見此證則棄而不治亦有高手見兒現在所現病象知將來必現抽風雖無法調治亦必告知病家此病將來必轉抽風何以知之凡將轉之前必見頂門下陷昏睡露睛口中搖舌不能啼哭無眼淚鼻孔煽動咽喉痰聲頭低不抬口噤無聲四肢冰冷口吐白沫胸高如碗喘急氣促面色青白汗出如水口不能裹乳大便綠色腹內空鳴下洩上噉肌肉跳動俱是抽風之兆氣血將脫之兆前述等證不必全見但見一二證則知其必現此證矣急用可保立甦湯方列後多服不易必能見效但其中有可治亦有不可治者若露睛天吊不食不哭痰鳴氣喘病雖沈重乃可治之證若天庭灰色腎子上縮或脈微細或脈全無外形雖輕乃不治之證